



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

Sessio XXXVI.

urn:nbn:de:hbz:466:1-15653

fati, nomine procuratorio quo supra, confirmamus, & ANNO
CHRISTI
1417. etiam approbamus subtractionem obedientiæ dudum factam in Perpiniano domino papæ Benedicto decimotertio, per felicis memoriæ dominum Ferdinandum Aragonum & Sicilia regem, nomine serenissimi regis Castellæ & Legionis domini nostri, & per suas literas, sicut in eisdem latius continetur: etiam ex superabundanti cautela eam nomine quo supra de nouo facimus, sicut in dictis literis continetur, & alio meliori & firmiori modo, quo fieri potest & debet, de quo offerimus literas præfati domini regis & matris in valida & expedienti forma duros. Deinde dominus Petrus de Grado, vnus etiam de ambasiatoribus regis Castellæ & Legionis prædicti, quamdam schedulam subtractionis obedientiæ per præfatum regem dicto Benedicto in Castella * factam, in vulgari Castellano *f. facta. scriptam, publice legit. Et quia a multis non intelligebatur, præsentibus igitur non est inserta. Deinde frater Ludouicus præfatus solenniter fecit collationem: & facta collatione, pro complemento huius sessionis reuerendissimus pater dominus Ioannes patriarcha Antiochenus Missam de Spiritu sancto celebravit.

Præsentibus ibidem reuerendissimis in Christo patribus & dominis, dominis Ioanne Ostiensi, de Vrfinis, Bononiensi, Venetiæ, Senensi, Pisano, Veronensi, Cameracensi, Tricaricensi, Placentinensi, sancti Marci, de Chalanco, de Fuxo, sanctæ Romanæ ecclesiæ cardinalibus, ac illustrissimo principe domino Sigismundo Romanorum & Hungariæ &c. rege præfato, illustribusque principibus & dominis Friderico marchione Brandeburgensi, & Ludouico duce de Burga: nec non regum, principum, nobilium, prælatorum, communitatum, vniuersitatum, studiorum ambasiatoribus, & aliis Christi fidelibus in multitudine copiosa.

SESSIO XXXVI.

A NNO a natiuitate Domini millesimo quadringentesimo decimosextimo, die vero Iouis vigesima secunda mensis Iulii, fuit celebrata sessio generalis in maiori ecclesia Constatiensi. Pro cuius introductione reuerendissimus pater episcopus Atrebatensis Missam de sancto Spiritu

ANNO
CHRISTI
1417.

celebrauit: præsidebatque in eadem sessione dominus reuerendissimus episcopus Ostiensis, sanctæ Romanæ ecclesiæ cardinalis & vicecancellarius. Et lectis litanis, aliisque deuotis orationibus solitis, dominus Antonius episcopus Concordiensis legit quamdam citationem contra Petrum de Luna factam, ad audiendum se priuari, & sententiam ferri, cuius tenor sequitur.

Sacrosancta generalis Synodus Constantiensis, venerabilibus fratribus Henrico Feltrensi, Stephano Dolensi, Ioanni Pacensi, Iacobo Placentino, & Patricio Cortagensi, episcopis, salutem & omnipotentis Dei benedictionem.

Frustra iudicium cognoscendo geritur, nisi quod cognitum est, iudiciali calculo terminetur. Cum itaque eadem sancta Synodus de meritis causæ inquisitionis pendentes coram eadem sancta Synodo contra Petrum de Luna, a quibusdam Benedictum decimumtertium nuncupatum, plene cognouerit, & in eadem causa ad omnes actus & terminos requisitos rite & canonice processerit, decernit & mandat eadem sancta Synodus, eundem Petrum de Luna, Benedictum decimumtertium (vt præmittitur) nuncupatum, citari publice in valuis ecclesiæ Constantiensis alta & intelligibili voce, dum in eadem ecclesia diuina * celebrantur officia, & cum affixione præsentium literarum eiusdem valuis, cum de præsentia audientia literarum contradictarum minime teneatur: atque citat peremptorie & vno edicto peremptorio pro omnibus, ad diem Lunæ vigesimam sextam huius mensis Iulii, ad comparandum in ecclesia Constantiensi mane, hora qua dicta sancta Synodus sedebit, & sedere consueuit, ad audiendum ius & definitiuam sententiam per eandem Synodum proferri & pronuntiari in causa prædicta. Quocirca paternitatibus vestris eadem sancta Synodus mandat & committit, quatenus vos aut duo vestrum, vocatis ad hoc aliquibus ex notariis & scribis in dicta causa deputatis, vel aliis, præsentis citationis literas in valuis eiusdem ecclesiæ per alterum ex dictis notariis, vobis aut duobus vestrum præsentibus, publice alta voce & intelligibili legi faciatis, ac eundem Petrum de Luna, Benedictum decimumtertium (vt præmittitur) nuncupatum,

Bbbb iij

in forma præmissa citari, literasque præsentem eidem val-
uis affigi, ita quod citatio huiusmodi veniat in publicam
vocationem, & eidem sacrae Synodo tempore sessionis
proxime futurae de gestis per vos in præmissis faciatis
relationem fidelem. Datum Constantiae, præfata Synodo
sedente in dicta Constantiensi ecclesia, vndecimo Kalen-
das Augusti, anno natiuitatis dominicæ millesimo qua-
dringentesimo decimosextimo.

Lectæ autem præscripta citatione, idem dominus An-
tonius adhuc in ambone existens, de mandato sanctæ
Synodi dixit in effectu: Ne propter festum hodiernum,
quod tamen in corpore iuris minime reperitur, aliqui
dubitarent præsentem diem feriatam esse, tunc ipsa san-
cta Synodus prædicta omnem in præmissis supplet defe-
ctum, si interuenisset. Super huiusmodi lectis & propo-
sitis dominus Ostiensis huiusmodi sessionis præsidens no-
mine Concilii respondit per verbum, Placet.

Quibus sic factis, reuerendi patres Stephanus Dolen-
sis & Henricus Feltrensis episcopi, vna cum notariis
præsentis causæ, ad tres ianuas maioris ecclesiæ Constan-
tensis accesserunt, & in ipsarum qualibet supradictam
citationem infra Missarum solennia per Ioannem Guiar-
di præsentis causæ notarium alta voce legi fecerunt, di-
ctumque Petrum de Luna, Benedictum decimumter-
tium a quibusdam nuncupatum, iuxta tenorem citatio-
nis citarunt & citari fecerunt.

Lectæ vero huiusmodi citatione, vt præmittitur, ipsi
eamdem citationem per bullam triplicatam in qualibet
dictarum portarum vnam affigi per eundem Ioannem
Guiardi fecerunt: super quibus lectione & affixione ipsi
commissarii petierunt fieri instrumentum ac instrumen-
ta. Deinde venerabilis vir Petrus de Lomburga licen-
tius decretorum, in ambone ad hoc ordinato existens,
legit decretum sequentis tenoris.

*Decretum cassationis pœnarum factarum per Petrum de Luna,
vigore cuiusdam constitutionis pro ambasiatoribus
regis Castellæ.*

Sacrofancta generalis Synodus Constantiensis in Spi-
ritu sancto legitime congregata, vniuersalem ecclesiam

ANNO
CHRISTI
1417.

* Octo-
bris

repræsentans, ex certis & iustissimis causis ad hoc eamdem Synodum mouentibus & inducentibus, annullat, irritat atque cassat, irritasque, nullas & cassas esse decernit atque declarat omnes priuationes siue pœnas, aut priuationum siue pœnarum declarationes, per dominum Benedictum decimumtertium in sua obedientia nuncupatum, a die nona mensis * Nouembris anni a natiuitate Domini millesimi quadringentesimi decimi quinti citra factas, promulgatas, fulminatas, seu pronuntiatas, tam virtute cuiusdam præsentis constitutionis per eundem dominum Benedictum dudum promulgatæ, sub dato Massiliæ apud sanctum Victorem, decimotertio Kalendas Iunii, pontificatus sui anno decimotertio, quæ incipit: Benedictus episcopus seruus seruorum Dei, ad futuram & perpetuam rei memoriam. In dierum successus crescente malitia sic videmus mundum, &c. Quam ex quacunque alia causa, occasione, colore, aut ratione priuationis siue pœnæ, aut declarationis prædictæ fuerint de beneficiis ecclesiasticis, dignitatibus, feudis, iuribus, statibus, honoribus, siue de quibuscumque aliis rebus temporalibus siue spiritualibus, & de quibuscumque personis regularibus aut secularibus, regibus siue principibus, archiepiscopis, episcopis, & aliis ecclesiarum prælatis, magistris ordinum, communitatibus, congregationibus, collegiis, vniuersitatibus, & quibuscumque aliis personis laicis, siue ecclesiasticis, omnesque alios processus excommunicationis aut interdicti, siue suspensionis, aut cuiuscumque tenoris sententias super huiusmodi priuationibus aut pœnis factos siue factas, promulgatos seu promulgatas, & omnia inde vel ob id secuta, vna cum eadem constitutione, & eadem tamquam contrariam & impeditiuam vniõnis sanctæ matris ecclesiæ, simili modo irritat atque cassat, & irritas siue irritas esse decernit atque declarat, etiam si super præmissis vel aliquo præmissorum appareant quæcumque literæ siue bullæ sub anteriori data, quæ tamen ante diem prædictum non fuerint plenariæ executioni mandatæ. Et nihilo minus ad cautelam absoluit, & absolutos decernit omnes & singulos supradictos, & quoscumque alios, a prædictis sententiis excommunicationis, suspensionis & interdicti, seu priuationis (si

quas virtute dictæ constitutionis, vel alias quouis modo
 ex supradictis causis & aliis in prædicta constitutione con-
 tentis, contraxerint) nec non omnes processus, tam su-
 per proprietate, quam possessione, priuationes etiam be-
 neficiorum quæ possidebant, & collationes de eisdem a-
 liis factas, aut excommunicationis, suspensionis, vel quaf-
 cumque alias sententias in, seu contra venerabiles fratres
 & dilectos ecclesiæ filios Didacum Conchensem episco-
 pum, nobilem virum Ferdinandum Petri de Ayala mi-
 litem, carissimi ecclesiæ filii Ioannis regis Castellæ & Le-
 gionis consiliarios, Ioannem episcopum Pacensem, &
 Martinum Ferdinandi militem præpositum domicello-
 rum dicti regis Castellæ & Legionis, & religiosum virum
 fratrem Ferdinandum de Ileltis ordinis Minorum, eius-
 dem regis consiliarium, Ferdinandum Martini Segobien-
 sis, & Didacum Ferdinandi Palentinensis, ecclesiarum de-
 canos & decretorum doctores, fratrem Ludouicum de
 Valle Oleti in theologia magistrum Parisiensem, & Io-
 annem Ferdinandi de Rupeffore decretorum doctorem,
 ambasiatores & procuratores præfati regis Castellæ, &
 Petrum Ferdinandi archidiaconum de Grado, in ecclesia
 Onetenfi ipsius regis secretarium, consanguineos & fami-
 liares eorum, a die prima mensis Aprilis anno Domini
 millesimo quadringentesimo * decimoquinto citra factos
 & promulgatos irritat, cassat, irrita atque cassa esse de-
 nuntiat, statuitque & decernit ambasiatores prædictos,
 consanguineos, nec non eorum familiares, &c. perinde ad
 statum pristinum reducendos, ac si priuationes, collatio-
 nes, processus & aliæ sententiæ prædictæ minime fuissent
 latæ, factæ aut promulgatæ, etiam si super processibus,
 priuationibus, aut collationibus vel sententiis prædictis a-
 liquæ literæ vel bullæ appareant sub anteriori data, quæ
 tamen ante diem prædictam non fuerint in partibus præ-
 sentatæ, & plenariæ executioni demandatæ. Eadem quo-
 que sancta Synodus omnes prouisiones, promotiones &
 translationes de quibuscumque ecclesiis cathedralibus si-
 ue collegiatis, seu ad quascumque ecclesias cathedrales si-
 ue collegiatis, & generaliter omnes concessiones benefi-
 ciorum seu dignitatum quarumcumque, etiam per priua-
 tiones dominorum cardinalium sanctæ Romanæ ecclesiæ
 per

per præfatum dominum Benedictum sic (vt præmittitur) nuncupatum factas, aut morte, cessione, vel quouis alio modo vacantium, omnesque & singulas concessiones, gratias & dispensationes, tam super matrimoniis contrahendis, quam etiam super beneficiis, & quibuscumque aliis regibus, principibus aut prælatis, seu etiam quibuscumque aliis personis, communitatibus & collegiis, & generaliter omnia alia per eundem dominum Benedictum sic nuncupatum, infra limites seu dominia aut terras præfati carissimi ecclesiæ filii Ioannis regis Castellæ & Legionis subiectas aut subiecta, vsque ad diem decimamoctauam mensis Iunii tunc currentis acta, concessa & dispensata, quæ per præsens decretum non sint aut fuerint cassata, cassave denuntiata, & super quibus bullæ, seu quæcumque alia litera ante diem prædictum non fuerint confecta, præsentata & executæ, pro bono quietis & pacis laudat, approbat & confirmat, atque approbata & laudata esse declarat: ita tamen, quod per approbationem seu confirmationem prædictas nullum præiudicium fiat carissimo ecclesiæ filio Alphonso Aragonum regi illustri, nec ipsius regis matri, vxori aut fratribus, vel familiaribus, siue consiliariis alicuius eorum, nec contra eorum aliquem valeat in iudicio vel extra præfata confirmatio vel approbatio allegari. Vult etiam eadem sancta Synodus atque statuit, quod per præmissa carissimo ecclesiæ filio Carolo Navarra regi, liberisve eius, aut magistro, hospitali & conuentui Rhodi nullum præiudicium generetur: hoc tamen declarato & intellecto, quod si ab aliquibus prælaturis, magisteriis seu magistratibus, dignitatibus vel beneficiis quibuscumque durante schismate fuerint separata, vel alias disgregata aliqua membra, castra, villa, seu alia bona, redditus, prouentus vel emolumenta ac responsiones cameræ, vel alia iura quæcumque, de quibus fuerit aliquibus iam prouisum, vel facta collatio vel infeudatio infra limites, dominia seu terras præfati carissimi ecclesiæ filii regis Castellæ suprædicti constituta, quin prædicta ipsis prælaturis & magisteriis seu magistratibus, dignitatibus vel beneficiis, vt capiti restitui & redintegrari valeant per Concilium antedictum, & in quacumque parte præiudicaretur alicui de cardinalibus sanctæ Romanæ ecclesiæ, di-

ſancta Synodus providebit, vt melius expedire videbitur. Per præmiſſa autem ſancta Synodus capitulis Narbonenſibus non intendit in aliquo contrauenire. Quo decreto lecto, dominus præſidens nomine Synodi reſpondit per verbum, Placet.

ANNO
CHRISTI
1417.

Super quibus omnibus & ſingulis præmiſſis, & eorum quolibet, magiſter Henricus de Piro promotor & procurator nomine quo ſupra, & venerabilis vir dominus Ioannes de Rupeſtore procuratorio nomine domini Ioannis regis Caſtellæ & Legionis illuſtris prædicti, ſibi a protonotariis, notariis atque ſcribis ipſius ſanctæ Synodi, ad futuram rei memoriam, vnum vel plura, & tot quot fuiſſent neceſſaria fieri petierunt, & quilibet eorum petiit publicum ſeu publica inſtrumenta. Præſentibus ibidem reuerendiſſimis in Chriſto patribus & dominis, dominis Ioanne Oſtienſi, Laudenſi, Hiſpano, de Vrſinis, Bononienſi, Venetiarum, Senenſi, Piſano, Veronenſi, Cameracenſi, Tricaricenſi, Placentino, de Fuxo, de Chalanco, Salutiarum, de Flisco, de Branckafis, de Columna, & de Comitibus, ſanctæ Romanæ eccleſiæ cardinalibus, ac illuſtri principe domino Friderico marchione Brandeburgenſi, nec non regum, principum, prælatorum, nobilium, communitatum, vniuerſitatum ſtudiorum & collegiorum ambafiatoribus, aliisſque Chriſti fidelibus in multitudine copioſa.

SESSIO XXXVII.

DIE vigefimaſexta ſupradiſti menſis Iulii, Conſtantiæ in eccleſia maiori loco ſolito fuit publica ſeſſio ſolemniter celebrata, pro cuius introductione reuerendiſſimus pater dominus Guillermus tituli ſancti Marci ſanctæ Romanæ eccleſiæ cardinalis preſbyter Miſſam de Spiritu ſancto deuotiſſime celebravit. Seſſioni autem interfuit ſereniſſimus princeps dominus Sigismundus Romanorum & Hungariæ, &c. rex, cum inſigniis regalibus & ſuis nobilibus in eiſdem ſibi ſeruientibus. Præſidebatque ſeſſioni huiuſmodi pontificalibus inſignitus reuerendiſſimus pater dominus Ioannes epiſcopus Oſtienſis, ſanctæ Romanæ eccleſiæ cardinalis & vicecancellarius. Lectis deinde litanis, aliisſque orationibus conſuetis, ſermoneque, cuius thema erat, *Juſtum iudicium indicate*, per